



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 46/48

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«28» Նոյեմբերի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Նոր Նորք վարչական շրջանի դեկավարի աշխատակազմի աշխատակից Ռ. Մարգարյանի կողմից 23.10.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 169.16-րդ հոդվածի 17-րդ մասի 2-րդ պարբերությամբ նախատեսված վարչական իրավախախտում, մասնավորապես՝ քաղաքացի Էդվարդ Գևորգի Բարսեղյանի նկատմամբ «Վարչական տույժ նշանակելու մասին» 23.05.2023 թվականի հ. Վ-20/12 որոշմամբ տուգանք նշանակվելուց հետո մեկ տարվա ընթացքում քաղաքացի Էդվարդ Գևորգի Բարսեղյանի կողմից Երևան քաղաքի Նանսենի փողոցի հ. 9 շենքի հարակից տարածքում կայանված Ֆորդ մակնիշի տրանսպորտային միջոցից (հաշվառման համարանիշ 37RL208) իրականացվել է առևտուր, որի վերաբերյալ 23.10.2023 թվականին կազմվել է թիվ Ա-004683 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին է լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Քաղաքացի Էդվարդ Գևորգի Բարսեղյանը ծանուցված լինելով 28.11.2023 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, վարչական իրավախախտման վերաբերյալ 23.05.2023 թվականի հ. Վ-20/12 գործը, Հայաստանի Հանրապետության ինտերնետով ծանուցման «azdarar.am» պաշտոնական կայքից կատարված քաղվածքները և իրավախախտման հայտնաբերման պահին կատարված լուսանկարները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ քաղաքացի Էդվարդ Գևորգի Բարսեղյանի նկատմամբ «Վարչական տույժ նշանակելու մասին» 23.05.2023 թվականի հ. Վ-20/12 որոշմամբ տուգանք նշանակվելուց հետո մեկ տարվա ընթացքում՝ 23.10.2023 թվականին քաղաքացի Էդվարդ Գևորգի Բարսեղյանի կողմից Երևան քաղաքի Նանսենի փողոցի հ. 9 շենքի հարակից տարածքում կայանված Ֆորդ մակնիշի տրանսպորտային միջոցից (հաշվառման համարանիշ 37RL208) կրկին իրականացվել է գյուղատնտեսական արտադրանքի առևտուր:

Քաղաքացի Էդվարդ Գևորգի Բարսեղյանի կողմից թույլ է տրվել Օրենսգրքի 169.16-րդ հոդվածի 17-րդ մասի 2-րդ պարբերությամբ նախատեսված վարչական իրավախախտում:

ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 169.16-րդ հոդվածի 17-րդ մասի համաձայն՝ Երևան համայնքի վարչական տարածքում ցանկացած տեսակի տրանսպորտային միջոցից և (կամ) դրանց կցորդներից, բացառությամբ օրենքով նախատեսված դեպքերի, ցանկացած ապրանքի վաճառք իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Սույն մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի հինգհարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 169.16-րդ հոդվածի 17-րդ մասով, 219.1-րդ, 252-րդ, 281-րդ և 282-րդ հոդվածներով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Քաղաքացի Էդվարդ Գևորգի Բարսեղյանին Օրենսգրքի 169.16-րդ հոդվածի 17-րդ մասի 2-րդ պարբերությամբ ենթարկել վարչական պատասխանատվության՝ նշանակելով վարչական տույժ 500.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035050302 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱՆ՝



ԱՐԱՄ ՍԱՐԳՏԻՐՈՍՅԱՆ